



Digitized by the Internet Archive  
in 2019 with funding from  
Getty Research Institute



IN FVNERE  
FRANCISCI  
VINDOCINENSIS  
DVCIS BELFORTII  
PRINCIPIS MARTIGVESII  
GALLICARVM CLASSIVM  
MAGNI THALASSIARCHÆ  
*ET IN CRETICA EXPEDITIONE*  
DVCIS PONTIFICII  
GENERALIS.  
O R A T I O

*H A B I T A*

AD S. R. E. CARDINALES

In Templo Virginis Capitolinæ.

HANNIBAL ADAMI FIRMANVS E SOC. IESV.

Dicebat An. Dom. CIO. IDC. LXIX.

ROMAE, Typis Nicolai Angeli Tinaffij M. DC. LXIX.

*SVPERIORVM PERMISSV.*







# ORATIO.



TRATVS hic Templi celeberrimi  
 squalor , tristis hæc parietum nigri-  
 cantium facies , faces istæ multiplices  
 pallido lumine lucentes , ne dicam , an  
 lugentes , sepulchralis hæc , & magiste-  
 rio mortis elaborata Pyramis , mæsta hæc Principum  
 Purpuratorum maestas , tota hæc Capitolij moles ad hor-  
 rorem simul , & mœrorem composita , tam fædà tem-  
 pestate cogitationem meam perturbant , & distrahunt ,  
 vt , animo trepidante , silere potius cogar , quàm eloqui ,  
 & plorare potius , quàm perorare . Scilicet , vbi magnus  
 dominatur dolor , non aptior alia videtur eloquentia ,  
 quàm vel silentij , vel lachrymarum . Ita ne igitur à ve-



teri Romà , tam diffimili morum interuallo , noua Roma discordat , vt idem Capitolium , quod antiquis Ducibus clarissimos triumphos ornabat , Heroibus nostris luctuosum funus aperiat , & pro triumphalibus arcubus , palmis & adoreis redimitis , Pyramidas emortuales attollat , non alià cingendas fronde , quàm cupressu ? Ita ne populorum plausus publicos vertuntur in luctus , in funebre lessum pæana festiuium , in lugubria purpuræ , currus in pheretrum , Capitolium in sepulchrum ? Magnifica quidem pompa hæc est , & Romanà Majestate dignissima , sed ad imperium doloris , ad extincti solatium , ad lubrium mortalitatis erigitur : Parce dolori nostro , dùm parcimus fortitudini Tuæ , Princeps Bellicosissime , & Christiani nominis Propugnator Inuicte FRANCISCE VINDOCINENSIS Dux Belfortij . Funerea hæc in Capitolio pompa , nostro accommodata dolori est , Tuoque simul opportuna triumpho . Quantò libentiùs suo Te sinu Roma , reducem è bello victorem triumphantem excepisset , & palmis suis Lilia Tua coronans , de subactò Turcà , Cretàque vindicatà Te Creticum , & Turcicum populorum plausibus appellasset ! Nunc quandò , sic placi-

5

tum Superis , vt BELFORTIVM suum Tua Roma  
non videat , Romæ lacrymas excipe , doloris imperio , Te  
cadente , cadentes . Æquum enim est , vt illi lacrymas  
suas debeat Roma , qui Romæ suum sanguinem dedit .  
Nulla profectò iustiora sunt iusta , quàm quæ BELFORTIO  
Duci soluuntur : Duces enim alij , non tam sanguine  
quàm virtute Romani , ( quorum honori hoc idem Tem-  
plum aliàs parentavit ) , pro patrià pugnare docuere , non  
mori : BELFORTIVS , licèt exterus , pro Romà pu-  
gnat , & moritur . Quid ni igitur , qui mortem mortuus  
vicit , mortuus pariter triumphet in funere , suæque glo-  
riæ mortem videat in erectà Pyramide famulantem ?  
Nouum quidem triumphi genus hoc est , sed nouum pa-  
riter , vt quis triumphet extinctus : Nullus in huiusmo-  
di triumpho ambitioni , & superbiæ locus est : totus Vir-  
tuti debetur , totus datur Pietati . Triumphat in Capito-  
lio BELFORTIVS , quia Fortis : Triumphat in Templo ,  
quia Pius . Sic decet Christianos Heroas triumphare , vt  
in ipsis cum Capitolio Cœlum , & cum Heroicà Forti-  
tudine Pietas Christiana triumphet .

Imbellis aliquibus virtus Pietas est , nec digna , quæ licèt

dota-



dorata Deo, bellicosus animis desponsetur. Aris illa non  
 Castris inferuiat, & si Martis Aula bellum est, ab hac pa-  
 riter exeat aula, qui vult esse Pius. Mendacissimè dictum; si  
 namque Christianæ vitæ fundamentum Pietas est, an sine  
 Pietate stare possit Christiana militia? Sanè, si belli fructus  
 victoria est, hæc quidem Iosué vires poscit, ut pugnet,  
 sed Moyses etiam preces, ut oret. Ad Imperium Roma-  
 num viam fecit Constantino victoria, sed in Signo Crucis,  
 & pietatis auspicio impetrauit, ut per aggerata Principum  
 cælorum cadauera Cæsarum Dux, & Ducum Cæsar eua-  
 ferit. Quàm benè, Dux Præstantissime BELFORTI,  
 Tibi ista conueniunt, quem non tam piissimæ matris amor,  
 quàm Pietatis studium in Regià familià educauit! Religio-  
 nem vnà cum lacte Lotharinga Tibi Parens infudit, &  
 candidam lactis instar, ad extrema confinia vitæ seruaſti.  
 Suo ipsum de nomine FRANCISCVM nobilissima,  
 genitrix dixit, ut suà referret in pietate, quam suo fere-  
 bat in sanguine, & exprimebat in nomine. Hinc diur-  
 næ Deo litatæ preces, obsequentissimus Deiparæ Virgini  
 cultus exhibitus, eximius templis redditus honor, singula-  
 res ergà Parentes obseruantia, latens in pauperibus Deus



erogatis opibus honoratus , inuicta in aduersis æquanimi-  
 mitas , Diuino Sacrificio quotidiana frequentia tam re-  
 ligiosè custodita , vt , cùm semel in Atrebatensi obsidione  
 ad extremum meridiem bellico labore distractus , audien-  
 di Sacri nullam in castris facultatem haberet , citatissi-  
 mis equis trium leucarum viam , Sole exæstuante torri-  
 dam , auidissimè deuorauerit , vt consuetum fidei vectigal  
 Deo persoluens , nullam diem transigeret absque lineà  
 Pietatis . Diem illam ipse perdidisse crediderat , cuius par-  
 ticulam , in audiendo sacro , Deo non daret . O celerita-  
 tem non ferreis calcaribus auctam , sed aureis stimulis  
 Charitatis ! Cursor egregius BELFORTIVS non aliam  
 sui cursus sibi statuit metam , quàm Templum , suam ibi  
 palmam habiturus in Deo . Quin , vt in Regià classe suæ  
 præfecturæ commissà , ad militum , nautarumque Reli-  
 gionem fouendam , plurima esset Sacrorum frequentia ,  
 plurimos ille auro suo Sacros administratos alebat : noue-  
 rat enim , non alio sydere tutiùs classem regi posse ,  
 quàm Deo . Timendum illi mare non est , qui foederà-  
 tum habet Coelum , Deumque pro Cynosura fortitur ?  
 An perire , vel periclitari vllatenus possint ea nauigia , quæ  
 fre-



frequentissimà suà præsentià consecrat Eucharisticus Deus ,  
 ventorum dominus , & arbiter tempestatum? Hanc ille  
 sacram anchoram in sæuientium procellarum pericula  
 adhibebat , eiusque patrociniò suam ille incolumitatem  
 vertit , cùm in Lusitaniam , Regiam ducturus Sponsam  
 neptem suam , foedissimà tempestate implicatus , & per  
 immensa Oceani spatia impetu decumano iactatus , Prin-  
 cipem foeminam , & Regiam classem ad extrema ferè  
 discrimina spectauit adduci : cùm omnià ferè elementa in  
 eius interitum conspirarent , & pro thalamo Regiæ Spon-  
 sæ in Vrbe Regià destinato , tumultum illi fluctus ape-  
 rirent in mari , vna illi spēs è mysterijs sacris affulsit ,  
 quorum vi , vim procellarum domitam sensit , & vnda-  
 rum ferociam vidit reddità serenitate compressam . Quid  
 ergò ventorum furias , & Oceani rabiem nauta formi-  
 das? minentur scopuli , lateant syrtes , breuia insidientur ,  
 fluctus insaniant , vortices , & euripi ferociant ; secura ti-  
 bi res est ; non fortunam Cæsaris vehis , at in Cæsaris fi-  
 lio BELFORTII Pietatem . Magna est concordia  
 maris , & Cæli : quos Cælum seruat , & qui Cælo ser-  
 uiunt , nec vexat mare , nec vorat . Qua in re illud  
 etiam



etiam maximè commendandum, quòd ab eius classe, sanctarum vi legum, ea licentia militaris exulauerit, quæ plerumque nobilissimum militiæ nomen per summum dedecus deturpatur. Furta, blasphemias, rixas, ebrietates, libidines, aliaque huiusmodi monstra, quibus Martialis iniquitas scatet, tanquàm in publicos bellicæ disciplinæ hostes bellum indixit, eoque validiùs, & feueriùs eos oppugnabat, quòd perniciosiores essent, & bellico nomini, & legis Christianæ candori. Quorsum enim pyratas extinguere, si vitia recipiantur in classe? quorsum maria prædonum classibus expurgare, & classes ipsas effrænatis moribus fœdandas permittere? Quid igitur mirum, si fœlicissimis plerumque nauigationibus maria ipse cuncta lustrauerit, & relatis frequenter victorijs Gallicas expeditiones illustrauerit? Qui pietate pugnat, non terras tantum, sed ipsum Cælum expugnat. E mari terra nos vocat fidem nobis factura BELFORTIÆ pietatis. Vtrobique militari proteruiæ bellum BELFORTIVS indixit, & vitiosam detestatus audaciam, testatus abundè omnibus fuit, se in medià belli licentià soli virtuti seruire, & bellicum Herculem non fouere monstra, sed per-

dere . Quàm frequens inter acies impudicitia vagatur, & ferreas ipsas bellatorum loricas teterrimo suo veneno pervadit ? Hanc tamen BELFORTIVS Hydram Lernæà, nequiores aspectu fugavit , extinxit imperio ; Cum enim in Parisiensi seditione , scelestissima militum aliquorum vœsania virginis cuiusdam pudicitiam ad extremum vsque discrimen adduxisset , ne discrimen verteretur in crimen, nobiles aliquot è suâ familiâ viros illuc vnà cum suo curru BELFORTIVS expediuit, vt eorum audaciâ sui nominis autoritate compressâ , laborantem puellam seruerent , seruatamque curru suo imponderent , honesto loco tradendam . O' Principem non saluti tantum, sed populorum virtuti beneficum ! Quantò plures numeraret Pudicitia victorias, si plures BELFORTIOS fortiretur, suis adiutores in pugnis, suis in periculis seruatores ? Principe curru vecta , pluribus hinc inde vallata famulis , per vias Parisienses incedebat virgo castissima , & de superato discrimine, vnà cum ipsâ suum agere triumphum victrix Pudicitia videbatur . Vultus quidem venustate formosa , sed cordis honestate formosior , BELFORTIVM Ducem, suum illa Martem prædicabat , nouo sed vero  
prodi-



prodigio non Veneri , sed Virgini militantem . Quàm igitur meritò triumphantem de militari licentià virginem depicta in curru BELFORTIO Aurea Lilia coronabant ? Si autem, de Seruato Ciue, coronam Ciuicam dandam Seruatori statuere Romani, de seruata pudicitià, quis neget BELFORTIO Duci coronam ? suis certè Lilijs sibi ipsi coronam imposuit, qualibet laureà clariorem . Aurea hæc Lilia fuisse satis virgo testatur ; nec enim eam tantummodò BELFORTIVS seruauit, sed pronubà pietate dotauit, & ditauit . Quingentis enim illi aureis erogatis, periculum in beneficium vertit, & alienum vitium suæ fecit incrementum virtutis . Aurum de violatà Danaë reum pijsimo ipse dotatæ virginis beneficio consecrauit . Quis crederet, cordi bellicà fortitudine ferro, auream iungi liberalitatis operà manum ? Ea profectò pia liberalitas in BELFORTIO fuit, vt eius stipendio aliena paupertas viueret, & amplissimi patrimonij partem, vectigalem sibi pauperes fecerint . In pauperum inopiam, velut in ciuilem hostem assurgens aureis armis utebatur, quibus, innocenti victorià, dum pauperes alebat, paupertatem necabat : Aurum fundebat, vt hostem

funderet , vtque ærūnnis obfessos liberaret , affiduis eos muneribus obfidebat . Quis Magiftrum charitatis quæret in Magiftro militiæ ? fanguinis fcilicet per vulnera bellica prodigus , fibi aurum feruare nesciebat , & in hoc fundendo eò illuftrior erat , quò , non per vulnera violenter inflicta , fed illud fua fpontè ad aliorum beatitudinem deriuaret .

Aurea quidem hætenus dicta quis neget ? alia tamen longè pretiofiora fupersunt , quibus veluti margaritis & gemmis BELFORTIA Pietas coronetur . Præ cæteris ille me rapit Chriftianæ Religionis ardor fanctiffimus , quo , vel ad iugulandam Hærefim , vel ad Mauros , Turcasque delendos ferrum acuere geftiebat . Scilicet eam tantum Chriftiano , & Gallico Duce dignam palmam vocabat , quæ vel Hæretico , vel Turcico cruore rubeſceret . Eo ſe natum ſanguine nouerat , qui Chriſto dictus , Chriftianiffimos Reges facit , & Gallica Lilia Regales pingit in Roſas pulchro vulnere purpuratas . Hinc non abſque Dei conſilio factum crediderim , vt qui militarem vitam in Priuatienſes Hæreticos puer adhuc incoëpit , eandem in Turcas iam maturus abſoluerit . Vtrobique fui

fan-



sanguinis prodigus pro Religione Gallicum pectus erudiuit ad vulnera : sed ibi de victoriâ partâ felicior , hîc de sublatâ morte splendidior : Dixeris , priuatas illas in Hæreticos Priuatienſes pugnas , rudimenta quædam Pietatis fuiſſe, in publicum hoſtem pugnante BELFORTIVM facere meditantis . Profectò, cùm magnus Gallicarum claſſium Thalaffiarcha renunciaretur à LVDOVICO Rege, hac tantum ratione, de clariffimo totius Regni munere gratulari ſe dixit , quòd nempè Regis ſimul , & Religionis hoſtes daretur aggredi, & Marte maritimo Chriſtianæ fidei militare . Militauit ſanè: Africanas oras perenni excuſſione fatigans , maria latrocinijſ infamia , ſui famâ nominis purgans , millena Chriſtiana capita Mauricæ ſeruitutis iugo ſubducens , vires barbarorum frangens, & vbique Tunetanum ſydus obſcurans . Veſtram hîc ego fidem obteſtor , vtriuſque Africæ littora , Oceani Atlantici ſpatia , Maris Herculei fauces , Liguſticæ, Tyrrenæ , Gallicæ , Luſitanæ, Melitenſes oræ . Quis maria veſtra pyraticeſ aggreſſionibus vindicauit ? Quis effrænata barbarorum audaciam ſalutari terrore coërcuit ? Quis veſtra commercia ad populorum delicias , & felicitatem adduxit ? Quot il-

le la-

le laboriosas noctes duxit in mari , vt vos placidas dies ageretur in portu ? quot ille tempestates exhausit impavidus , vt vos tranquilla otia degeretis ?

Alia tamen studio Religionis , & longè maiora Tibi facienda supersunt , Dux Nobilissime . Angusta nimis Tuæ sunt maria Africana virtuti . Asiaticum mare Te vocat , & non tam mari , quàm bello fluctuans Creta . Quàm pretiosa Creta hæc est , pro qua tam cruento Marte pugnatur ! Perditissimus Helluo regnorum , illam iàm spe deuoratam efferato dente discerpit , vt in frustra dissectam , integram suæ crudelitati prædam efficiat . Tuum est , Romanæ Fidei Cretam seruire , quam nequissimus Tyrannus suæ vult seruire perfidiæ . Tuum est , Cypriam , Rhodiàmque iacturam Creticà victorià compensare , dolentis Italiæ solari suspiria , trepidæque Europæ securitati consu- lere . In classe , quam ducis , non tam Pontificiam , & Regiam gloriam , quàm fortunam vehis Europæ , & nutantis Cretæ salutem . Habes hîc Aureum vellus acqui- rendum Francicus Argonauta , habes hîc Andromedam catenis obsidionis soluendam missus à Deo Theseus , hîc Hydram obstinato semper capite succrescentem Gallicus

Her-



Hercules. Hic habes Troiam Hector, Romam Horatius, Belgradum Hunniades, Melitam Valletta, & ut omnium famam Tu solus æquas, sic omnium fortunam, & virtutem Tibi superandam optamus. Vocanti Asiæ paratissimus respondet BELFORTIVS, & pijsimis epistolis ad Romanum PONTIFICEM ad Gallicum Regem, ad Principes, tùm exteros, tùm domesticos suam animi voluptatem aperit, qua Religioni Romanæ, & nomini Pontificio vires suas omnes, labores suos, sanguinem, spiritum immolauit. Quin, ut pugnacis animi genium plenius satiaret, & belligeri sanguinis æstus, mortem pro Religione affectantis, aliquandò compesceret, repetitis, & validissimis precibus à Rege facultatem extorsit, quâ classis imperio relicto, excendere etiàm ipsi liceret in terras, vbi Turcam mari timidum, sed terrâ timendum daretur aggredi, & stricto Marte pugnare. Renuit primò Rex Sapientissimus, vtpotè qui, cum Præstantissimum alium Ducem suo terrestri militi præfecisset, à re maritimâ BELFORTIVM nolebat auertere, tantoque apparatu instructam Classem, viduam tanto Duce relinquere, cui par non esset in Gallia, qui Gallicum illustraret

Im-

Imperium. Quantus enim victoriæ campus BELFORTIÆ virtuti pateret in Mari, ex quo recens quotidie commeatus, & miles in castra Turcica ferebatur? Quàm facile Christianis nauigijs tam multo ære tonantibus Thraciæ triremes cederent, suo vili milite non ad pugnam validæ, sed ad fugam. Si ergò sua Classe mari BELFORTIVS, Nauallius terrà suo milite fatigasset hostem, quàm aptè vtrinque obsessus obsessor victoriæ locum daret, & obstinatum tot annis Martem indecorà fugà relinqueret. Sed hæc meditantem Regem vicit tandèm BELFORTII militaris ardor, & facile se vinci Rex humanissimus passus est, nè tantum gloriæ iubar Duci suo videretur eripere. Quæ gloria BELFORTII est, vt suarum precum potentià tot victorijs illustrem vicerit Regem? Adhuc tamèn incertum, quis gloriosior fuit, an Dux vt facultatem posceret, an Rex vt daret; dedit: sed dubià crediderim manu subnotasse BELFORTII preces; eò quod innigrà characterum facie eam mortis imaginem adumbratam inspiceret, quæ Turcicæ perfidiæ foederata, Principem fortissimum familiæ, Classi, Regno, Regi, Pontifici, & quod acerbissimum dictu est, ipsi Victoriæ erat sub-

latu.



latura . Haud tamèn de Tuà facilitatè in permittendà BELFORTIO terrestri pugnà Te pœniteat Rex Generosissime ! Semen est sanguis bellatorum , quod dum perire videtur in vno , cum fœnore reflorescit in multis ; Vulnera , dùm fortes perimunt , alios pariunt , & Gallica Lilia non lacrymis seruntur , at sanguine . Vnum pro Christiana Religione pugnantem amisisti BELFORTIVM , plures ipsa reddet BELFORTIOS , Tuo fortiores exemplo , Tuis fœliciores auspicijs . Nunc quando BELFORTIÆ pietati factum est satis , buccinis , & lituis conclametur ad arma : soluat Pontificia classis è portu , & vela ventis implentibus publica desideria impleantur . O quæ dies fuit illa , cùm Tolonensi soluturus è portu , post totius anteaetæ vitæ noxas sacrâ confessione expiatus , Diuinoque Conuiuio animum recreatum , in Prætorio nauigio Vexillum explicauit , quod Pontificia benedictione sacratum , Diuorum Petri , Paulique depictum imagine , Dei patrocinia colorabat . Ad tubarum sonitum , & tormentorum vndique reboantium fragorem , ad Vexillorum pompam , & tympanorum murmur , ad militum clamores , & nautarum celeusma , quædam triumphi species arride-



bat, Primus omnium genu BELFORTIVS flexo, manibusque in formam Crucis explicatis, dulcissimis illam lacrymis irroratus adorans, classem suam Petri Nauiculæ regendam, & Pauli gladio militem suum seruandum commendauit. Mendaci Castore, & Polluce rejectis, in duobus Apostolis, auspicatissima duo Sydera veneratus, faustissima sibi omnia pollicebatur. Quid enim fælicitatis è Cæli ærario non habeat, qui aureas Petri Claues sortiatur sibi propitias? Quid mali ex hoste formidet, cuius securitati ferreus Pauli Ensis euigilet? Suomet experimento probabit Turcicus Attila, Pauli gladio Tyrannorum arma retundi, & Petri clauibus fulminum armamentaria aperiri, in Gigantum audaciam euoluenda. Tum lætissimè assurgens, Eamus, inquit, Christo Duce & Auspice, eamus; Creta nos vocat, Christo Duci nostro seruanda. Coram vulnerato, & mortuo Duce, quis renuat vulnerari? quis mori? Quis pugnare ibi recuset, vbi mors ipsa victoria est, & triumpho quouis illustrior? Hinc demùm, quatuor millibus aureorum, ad pauperum subsidium erogatis, Cardinalem Vindocinensem Germanum sibi charissimum extremis amplexibus & osculis donans (& verè fuerunt extrema) Purpura

hæc,



hæc, inquit, Tua fit, ò Frater, mea Purpura sanguis meus erit pro Religione fundendus. Pro Christi causâ vel vincendum mihi, vel moriendum. Vel me Creta videbit extinctum, vel ad Te de vindicatâ Cretâ rediero gloriosus. Vtrumque factum: Creta illum vidit extinctum, & ad nos suo nomine redijt gloriosus. Quid enim gloriosus, quàm pro Religione mori, eiusque causam suis probare vulneribus? Quæ purpura viuacior, quàm quæ suo sanguine tingitur pro Christi nomine consecrato? Quid optabilius, quàm vitam Heroicam Heroicâ morte signare? non lactea, sed sanguinea via est, qua Christianis Heroibus patet iter ad Cælum. Dignus non erat hostis, qui tanto à Duce vinci mereretur, & quam ipse victoriam vocat, sui pœna dedecoris est. Fortunam suam moriens impleuit BELFORTIVS, & in sui sanguinis purpurâ lætus ostendit, non vincendo quid posset, sed moriendo quid vellet.

Magnum, quòd ista dixerit BELFORTIVS vt Pius, maius, quòd fecerit, vt Fortis: facilè siquidem teneras sibi Rosas pietas colorat, quas postea legere, præ spinarum aculeis manus exhorret. Animi pietati dexteræ fortitudo respondeat: Scilicet, vt absque Pietate, fortitudo ferocia est, sic



absque fortitudine Pietas Heroica esse non potest. Prærogativa Principum est, fortes nasci, & ex ipsis Aurum cunis, ad aspera quæque, & cruenta Bellorum superanda, sanguinem ducere bellatorem. Ex adamantibus ille omnium probatur esse fortissimus, qui nascitur ex Auro. Quod si creantur è fortibus fortes, & Genitorum virtuti natorum virtus pari fide responderet, quid de BELFORTII Duce dicendum nobis est, quem hinc Paternus sanguis Borbonius, illinc Maternus Lotharingus, duo videlicet heroicæ fortitudinis vbera, geminato fonte lactarunt? Sanguis vterque fortissimus; è Borbonio sanguine nascuntur Reges, nascitur Lotharingus è Regibus: maternus filium vrgebat ad pugnas, paternus vocabat ad palmas. Vtrinque Hectoras & Achilles ipse habebat, quos fortitudine suâ imitandos exprimeret, eosque ita bellicosus expressit, ut, sicut in Cæsare multos inesse Marios aiebat Sylla, sic in vno BELFORTIO Duce, plures tùm Lotharingos, tùm Borbonios Duces latere, & lucere credideris. Sanguine tribus Regibus iunctus ab Henrico Magna facere didicit, à Ludouico Patre Iusta, à Ludouico Filio Fortia. Quantus igitur esset, qui tres tantos Reges in vno se ipso descripserit? An non fortissi-



tissimus ille futurus erat, qui Cæsarem fortitus in Patrem fuit, & in Autum Henricum, Magnum titulo, maiorem fama, virtute ter maximum. Magnum ideò fortitudine suà se fecit Henricus, vt suos faceret Magnos, & in Nepotibus suis suam reflorescere fortitudinem lætaretur. Hinc Principatus BELFORTII titulus à fortitudine illi donatus, vt sciret, vel Principatum sibi à fortitudine habendum, vel fortitudinem ipsam sibi habendam pro Principatu. Habuit sanè, & omnibus adeò spectandum illà se fecit, vt in florentissimo Regno, tantà Procerum, & Principum pompà clarissimo, vnus videretur BELFORTIVS, quem populi certatim sequerentur, Nobiles suspicerent, Principes honorarent, ipsique prudentissimi Reges Ludouicus Pater, & Filius illustri quadam beneuolentià vsque ad delicias diligerent. Quàm splendida fuerit ea virtus necesse est, quæ de duorum tam illustrium Regum amore valuit triumphare! Quàm validus is fuit Magnes, qui fortissima duorum Corda Regum traxit ad se? Sed facile diligimus, quos labore virtutis pares nobis agnoscimus. Omnia Regia in BELFORTIO erant, Sanguis, aspectus, animus, incessus, sermo: Quid ni igi-



ni igitur, qui tam perfectè Regius in omnibus erat, suis amaretur à Regibus, Regiumque amorem reciperet, qui Regias virtutes referret? Ludouicus certe Decimus Tertius Rupellæ domitor, & Hæresis victor, vt extremum sui specimen amoris proximè moriturus ostenderet Duci BELFORTIO, peramantèr eum alloquens, suos ei Regios Filios commendare non recusauit, vt quos ipse tot votis, & lachrymis à Deo impetratos Regno Christianissimo dederat, suà illis, ætate non Dignitate paruulis, eà, quà par erat fidei virtute, & virtutis fide, seruiret. Ludouicus verò Quartus Decimus non tam paternæ ditionis, quàm virtutis hæres, cùm ad Asiæ, Africæque terrorem, ad Galliarum securitatem, ad maris imperium, ad imperij incrementum classibus suis MAGNUM THALASSIARCHAM præficere meditaretur, in vno BELFORTIO spes suas, suæque maritimæ potentiæ vires collocauit. Diuisere sibi, in diligendo BELFORTIO, vices suas Reges Christianissimi Ludouici Pater, & Filius; ille BELFORTII fidei cordis sui delicias commendauit in Filijs, hic eiusdem ingenio sui vires Imperij commisit in Classibus, ille dedit, vt filiorum seruaret Imperium, hic vt firmaret suum. Et profectò firmavit: firmavit



tantum? Illustrauit, extendit, coronauit. Hæc probaturi ve-  
 stris è stationibus accedite Africani latrones. Algeriani,  
 Tripolitani, Tunetani Prædones, quid est, quòd turpissimo  
 torpore correpti iacetis in Portu, exutisque maritimo appa-  
 ratu nauigijs, latebras trepidi quæritis nocturno vestro sy-  
 deri concolores? Excutite somnum, explicare vela, vi-  
 res exerite: videtis, vt vobis tranquilla sint maria, faueant  
 sydera; blandiantur venti, & mercibus ditissimis onusta  
 Christiana nauigia, liberà securitate vagantia, dum vestros  
 oculos implent, famem vestram irritent? Silent, pallent,  
 recedunt, & latebras quærunt, quibus indecores animas ser-  
 uent, & metum indecorum abscondant. Ad BELFORTII  
 nomen, ad Gallica ipsius vela, vili terrore coërciti latent in  
 portubus, & ea maria nescire videntur, quæ prius insolenti  
 proteruià conciti latrocinijs, flammis, cædibusq; sparserunt.  
 Scilicet ineuitabilis illis clades, secunda tēpestas, certumque  
 in ipsa tranquillitate naufragium, vnus illis BELFORTIVS,  
 est. Quocūmq; tamen recedatis furcā digni latrones, illic  
 vos impetu ineluctabili BELFORTII virtus inueniet,  
 & fulminis instar cineres vestros quæsiturus inuadet; Meam  
 dicendi celeritatē sui operis celeritate præcessit BELFOR-  
 TIVS,



TIVS, & in Bugiensi portu Gallicis flammis vorandam classem Turcicam tradit. Fluctuant in mari non vndæ, sed flammæ & ad Gallica classica, coniuratis accedentibus ventis, in absconditas pyratarum naues grassatur incendium, & quæ annuo latrocinio spolia glomerarunt, vlticæ flammæ brevis hora disperdit. O sibi met ipsis aduersas Naturæ vires? O conuulsas Elementorum sedes? In libero mari fuga non patet: sæuit in tranquillitate tempestas: regnat in portu naufragium: flammæ vnda nutrit, & vndas cinis adurit. Prodigiola hæc meritò videantur; at si BELFORTIO tribuas, prodigia esse cessabunt; Quid iam de tuo Pompeio felicissimo Pyratarum victore, superbias Roma? in BELFORTIO habet & Gallia Pompeiū suū, ætate tantū non virtute Romano minorem; hoc etiam Magno illo maior, quō melior: raptas ille pyratarum exuias sibi dabat, & suis, hic Deo: maria ille purgans priuatæ fortunæ seruiuit, hic Christianæ felicitati: classibus ille suis ambitioni velificabat, hic Religioni: laborum vterque liberalissimus, sed ille pecuniæ auarus hic gloriæ, titulos ille augere poscebat, hic vulnera, Romani ille famam Imperij amplificauit, hic fidem. Quid tamen est, vt tam diū cum pyratis immorer in mari,

cum



cum alia fortissimè à BELFORTIO gesta me vocent in terras . Neptunum in mari , Martem in terrà BELFORTIVM diceret , si fidem fabula faceret ; verum illud est , non vno naturæ elemento BELFORTII fortitudinem capi potuisse . Quàm fortis , qui tertium decimum annum vix agens , ætatem virtute præcellens , viam militarem aggressus ad extremum vsque tertium suprà quinquagesimum in Gallia , Hollandia , Italia , terraque , marique tam constanti , firmoque gressu eam calcauerit , vt nec laboribus fractus , nec periculis territus , nec amore suorum , nec mortis vndique occurrentis horrore distractus , numquam ab ea spontè deflexerit , omnium particeps certaminum , omnium pars victoriarum , & magna sæpiùs Gallici exercitus pars , ipse solus : in vallo miles , in prælio Ductor , in opere Architectus , nauarchus in mari , custos in portu , idem sub alterius imperio , ac suprà aliorum imperium ; Alpes ille suis horridas niuibus nouit cum Hannibale superare , sed nullam nouit cum Hannibale Capuam , quæ suis eum delicijs superaret . Perpetuum vel hosti , vel otio bellum indicens illos tantum annos numerabat , qui fuissent militares , illosque non mensibus , at prælijs dextinguebat . Bellis bella



continuat, palmis palmas annectit & præteritorum immemor, non putat pugnasse nisi pugnet, non vicisse nisi vincat. Nulla ferè in eà ætate pugarum, obsidionum, præliorum quotidie pullulantium sæcundissimà, nulla, inquam, Gallicis à Regibus instituta expeditio bellica fuit, quam Dux BELFORTIVS suà præsentia non honestaret, pugnacissimo ardore succenderet, labore, consilioque iuaret, signaret sanguine, victorià coronaret. Ad leuissimum tubæ bellicæ sonitum, se tanti sanguinis esse Ducem oblitus, gregarius veluti miles, parendi magis cupidus, quàm imperandi, primus in castris, primus in vallo, primus in prælio, in hostem primus, primus in mortem, quam toties interritus terruit, & fugientem persequabatur inuictus. In Africà, & Europà, quas ipse non tam passibus, & classibus, quàm bellicis laboribus, & victorijs peragrauit, quis hoc de BELFORTIO, vel sine inuidiæ, vel inscitæ notà negauerit? Sed quid ego hæc tam longinqua, & aliena commemorem? Vtinam primus etiam in hac Creticà pugna non fuisses, Dux Generosissime, Tuæque vitæ Galliæ, Romæ, Mundo tam pretiosæ aliquatenus pepercisses! Si Cretæ salus, si Galliæ gloria, si Euro-



pæ victoria, si Turcarum excidium Tua vivit in vità, quor-  
 sum, Bellatorum Maxime, pectus, quod Mundi cor ani-  
 mat, nudare periculis? Te satis & maria & terræ Mar-  
 cellum probabunt, & probarunt, indue nunc Fabium,  
 eò magis victoriæ securum, quò magis à prælio alienum.  
 Ex quo, Deo auspicante, causam Religionis suscepisti,  
 scias, Te non tuum esse, sed nostrum: discrimina tua,  
 tua vulnera, nostra sunt, & publicam fælicitatem cruen-  
 tant, quæ priuatum tui nomen exornant. Satis consilio,  
 fatis imperio pugnas, & sola Tua præsentia quacumque  
 est pugna validior; cùm enim timearis, vt Ductor, ame-  
 ris vt Princeps, gemino stimulo miles adactus fortior erit  
 pro Te, pugnando, quàm Tecum. Quin Te videre pu-  
 gnantem distrahit illum à pugna; nam de BELFORTIO  
 suo sollicitus, non intentus hosti, sed Tibi, victoriam  
 suam salutis Tuæ postponens, non pugnabit, vt ipse vin-  
 cat, sed vt Tu viuas. Si ergò periculosum Tibi, & mi-  
 liti, quid tam auidè festinans ad pugnam, omnium vota  
 tuà generositate præcurris? Sed quorsum hæc? nullos pa-  
 ti potest limites Virtus, & claudi impotens viam sibi per-  
 inuia facit, in periculo victo suæ certa victoriæ. (Deo ple;



nus se ipsum BELFORTIVS non capit, & sua tantum  
 esse putat, quæ secum nullus alius fecerit. Cælesti flam-  
 mæ fulmen concitum suo cogitur motori parere, & mori  
 potius, quàm morari, ut sua morte splendidum ostendat  
 moriendo, quid possit. O spectaculum Capitolio dignum,  
 imò Cælo spectatore dignissimum? Videre erat strenuissi-  
 mum Principem, cum Equite Vindocinensi nepote, Patru-  
 i vestigia generoso gressu premente, fortissima Gallorum  
 agmina præire impavidum, præire festivum, animo ma-  
 gis, quàm ferro cataphractum, pectore, voce, oculo,  
 manu, pede ipso pugnacem, eoque corporis habitu in  
 Turcicas phalangas erumpere, quo vel Goffredus Lotha-  
 ringus in Asiæ Saracenos, vel Divus Ludouicus Borbo-  
 nius, quos sibi materno, paternoque sanguine iunctos sibi  
 imitandos obiecerat, in Africæ Mauros, Christiano Marte  
 pugnarunt. Suis ipse viam per confertos hostium cuneos  
 non ostendit, at facit; non imperio, sed exemplo suos  
 urget ad pugnam, & ad præstantissima mortis discrimi-  
 na, perignes, & gladios vitam suam adducens, lanceam  
 vibrat ut fulmen, terrore, fremitu, cædibus Othomanna  
 Castra confundens; sudore, & sanguine pulcherrimè for-  
 dida -



didatus, nullibi mortem; ac si esset immortalis, agnoscens, usque eò Turcicas stationes aggreditur, & ingreditur, ut pulvere, & fumo obvolutus ignotus omnibus esset, & hostibus, & suis; suis, qui eum præ fide, & amore non deseruissent, hostibus, qui eum præ vultus maiestate non læsissent; mors illum sola, licet cæca cognovit, & vel irata Duci in contemptum mortis immortalitatem affectanti, vel vltura tot cædes, quibus eius imperium funestauerat, hostium numero eum obruens non vincens, magnanimam vitam ferro, & igne consumpsit, ut vtrumque mortis genus tanti Principis funere decoraret. Vnà cum Romano Scipiade belli fulmen BELFORTIVM esse quis neget? nam fulminis instar, dum alios perdit, & cædit, cadit, & perit. Quot hic in vno facinore Heroicæ fortitudinis gradus! Erumpere, irrumpere, pugnare, urgere, stare, cadere, mori, & moriendo gaudere?

Cecidisti Heros bellicosissime, & Principem animam sub Crucis vexillo militantem Christiano nomini fortiter, & fæliciter immolasti. Defuit tibi quidem victoria; sed Tu non defuisti victoriæ, & Creticum solum, quod manu te-

nere non licuit , toto corpore occupasti , fidelis etiam Deo futurus post cineres Tuos . Non armis , at trophæis obrutus iaces , & Rhodio Colosso similis , miraculo es vel iacens ? An non miraculo sit , cui pro victoriâ pugna fuit , mors pro ludo , pro capite abscisso corona , pro pheretro Mundus , & Cælum pro sepulchro ? An non miraculo sit , qui adhuc exemplo pugnat extinctus , adhuc timetur in cinere , viuit in nomine , triumphat in famâ , mundique lachrymis sua vulnera videt abstergi ? Quis enim temperare à lachrymis valuit , vt BELFORTII Ducem audiuit extinctum , ac si in eius capite totius cardo victoriæ verteretur ? fleuere illum classes , exercitus , Principes , Senatus , Reges , & vnius funus publicam ferè lætitiâ funeravit . Principes aulæ , sanguine nobilissimi Ducis affines Gallica , Lotharinga , Estensis , Medicea , Lusitana , Sabauda tanti vulneris acerbiter fenserunt , & gelidos sui BELFORTII cineres amantissimis lachrymis fouent . Quæ gloriæ immensitas , Christiani Orbis lachrymas in sui funeris pompâ traducere , suamque ad vnam mundi cor eliquatum in fletus aspicere ! Hæ sanè lachrymæ pretiosæ adeò sunt , vt si mori virtus ipsa posset non alijs

flen-



flenda lachrymis videretur . Morienti BELFORTIO quis non inuideat , cuius mortem Christianus Orbis redimere videtur , vel vlcisci lachrymis suis . Viden , vt Purpuræ ipsæ Romanæ decolori tristitiâ violatæ in publici partem doloris accedant , & in tam nubilâ nocte , atrata veluti sydera , lucem , qua coronantur , abscondant ? Viden , vt tota suis euulsa sedibus Roma , quæ mundi compendium est , sui numquam morituri doloris in hac funebri pompa breue compendium faciat , & in BELFORTII Simulachro oculos suos exhilaret , suas lachrymas consoletur ? si fictili arte compositus tam delectat exanimis imago , ipsamque animosus imaginem vrgere videtur ad pugnam , Pius in Crucis clypeo , fortis in dexteræ gladio , quid fecerit viuens , cum vegetos artus impleret spiritus , & totam se in puluere bellico BELFORTII virtus effunderet ? Verùm quid ego Christianas hîc lachrymas BELFORTIÆ stipendiarias urnæ centuriem ? Ipse , ipse Barbarus , vt BELFORTII caput spectauit abscissum barbarum pectus tenerescere sensit , & feroces oculos , vberes flexisset in fletus , nisi sacrilega Turcis humanitas esset , & videri pium , animos impiaret . Quàm amabilis erat , quàm

He-

Heroica ea frontis maiestas, quæ hosti placeret etiam in hoste ? Quin de tanti Ducis infortunio miratus, & iratus, cremandum flammis eum tradidit, qui belluinâ feritate excæcatus Regale Liliū secuit, ut papauer, & præmium bellicæ fortitudinis credidit, quod erat Turcicæ feritatis opprobrium. Magna virtus est, quæ spectatur ab hoste, maior quæ à barbaro; sed omnium maxima Tua BELFORTI, quam, & hostis, & Barbarus veneratur in Te mortuo. An non igitur meritò nobis lachrymandus, qui barbaros etiam oculos ferè cogit ad fletum, & Thraciam superbiam dolore vicit extinctus, quam prius terrore percussit armatus ? Utinàm, ut Phænix è flammis, sic reuiuus è lachrymis nostris assurgeret BELFORTIVS Phænix bellatorum, ut iterum pugnantibus præsens publicam spem fæliciori spiritu animaret. Verùm, quia ex humanæ conditione substantiæ suo reuiuiscere prohibetur è cinere, debitâ virtuti mercede bellicoso reflorescit in nomine, obscuræque vitæ iacturam splendidæ æternitatis incremento compensat, non Lilia, sed Sydera gerens in Coronam. Iacet quidem Creticâ in arenâ BELFORTIVS, & ut olim euersâ Troiâ Rex

Pria-



Priamus . *iacet ingens littore truncus , Auulsumque humeris caput , at non sine nomine corpus .* BELFORTII Nomen publici amoris operà viuet in litteris , viuet in tabulis , in marmore , in ære , posteris , exteris , omnibus viuet , & mori nescium mortis iniurias vlciscetur . Quamdiù Romanum Capitolium stabit , memorabitur BELFORTII virtus Capitolio digna , & Pyramidas alias Ægyptias firmitate præcellet Sepulchralis hæc Pyramis , quam in arduo monte laboris impositam ingenium triumphatæ Mortis erexit , vt in apice gloriæ constitutus , ad Gallici iubar imperij ad Romani doloris solatium , ad Principum exemplum , ad Ducum exemplar , ad Turcarum opprobrium , ad Religionis triumphum æternùm spectetur ab omnibus

FRANCISCVS VINDOCINENSIS

BELFORTII Dux

PIVS ET FORTIS.

\* \* \*











QUINTERNETTO

DI SCOSSA

Per l' Anno 1816.

SPECIAL

94-E1312

XKX

THE GETTY CENTER  
LIBRARY



